



Republika ng Pilipinas  
Lalawigan ng Bulacan  
**BAYAN NG MARILAO**

# Tanggapan ng Punong Bayan

## ATAS TAGAPAGPAGANAP BLG. 2020 - 14

### **NAG-AATAS SA PAGPAPALIBAN NG “GRADUATION RITES” AT “MOVING UP CEREMONIES” SA LAHAT NG PAMPUBLIKONG PAARALAN SA BAYAN NG MARILAO, LALAWIGAN NG BULACAN**

**SAPAGKAT**, nagdeklara ang Pangulong Rodrigo Roa Duterte ng “*State of Public Health Emergency throughout the Philippines*” sa pamamagitan ng *Proclamation No. 922* noong Marso 8, 2020;

**SAPAGKAT**, kinumpirma ng Kagawaran ng Kalusugan ang pagkakaroon ng *local transmission* ng *COVID-19* sa Pilipinas;

**SAPAGKAT**, may pangangailangan na paigtingin ang mga pagsisikap sa pagtugon at pamamahala sa pag-iwas sa pagkalat ng *COVID-19* sa ating bayan;

**SAPAGKAT**, nag-isyu ang Kagawaran ng Edukasyon ng *DepEd Memorandum No. 042* noong Marso 15, 2020 na may pamagat na “*Guidelines for the Remainder of School Year 2019-2020 in light of Covid-19 Measures*”;

**NGAYON, SAMAKATWID**, ako, **RICARDO M. SILVESTRE**, Punong Bayan ng Marilao, Lalawigan ng Bulacan, sa bisa ng kapangyarihang ipinagkaloob sa akin ng batas, ay **NAG-AATAS SA PAGPAPALIBAN NG LAHAT NG “GRADUATION RITES” AT “MOVING UP CEREMONIES” SA LAHAT NG PAMPUBLIKONG PAARALAN** hanggang sa susunod na abisong ilalabas ng mga ahensya ng pamahalaan dahil sa banta ng *coronavirus disease 2019 (Covid-19)*.

**DAHIL DITO**, ang mga pinuno ng **LAHAT NG PRIBADONG PAARALAN** sa Bayan ng Marilao ay lubos na hinihikayat para sa implementasyon ng mga patnubay na nabanggit sa Atas Tagapagpaganap na ito.

Kung, sa anumang kadahilanan, ang anumang bahagi o probisyon ng Atas Tagapagpaganap na ito ay natagpuan na hindi naaayon sa Konstitusyon, ang iba pang mga bahagi o probisyon nito na hindi apektado ay magpapatuloy.

Ang Atas Tagapagpaganap na ito ay magkakabisang kagyat.

**NILAGDAAN** sa Bayan ng Marilao, Lalawigan ng Bulacan, ngayong ika-**17** ng **Marso**, sa taon ng Ating Panginoon, dalawang libo dalawampu.

**(SGD.) RICARDO M. SILVESTRE**  
Punong Bayan

